

სს „ბიჯეო ჯგუფი“-ს

წარმომადგენლის, გიორგი ჯავახიშვილის

მის.: ქ. თბილისი, გაგარინის ქ. N29^ა;

ელ-ფოსტა: g.javakhishvili@bog.ge

მობ: (593) 155 233.

გ ა ნ ც ხ ა დ ე ბ ა

(სს „საქართველოს ბანკის“ (ს/ნ: 204378869) მინორიტარ აქციონერთა აქციების სავალდებულო მიყიდვის თაობაზე)

(1) სს „ბიჯეო ჯგუფი“ (ს/ნ: 405103034) (შემდგომში „შემსყიდველი“), როგორც სს „საქართველოს ბანკის“ (ს/ნ: 204378869) (შემდგომში „საზოგადოება“) საწესდებო კაპიტალში განთავსებული აქციების სრული ოდენობის 99.63%-ის მფლობელი, „მეწარმეთა შესახებ“ საქართველოს კანონის 225-ე მუხლის, „მინორიტარი აქციონერისათვის აქციის სავალდებულო მიყიდვის“ საფუძველზე, გამოხატავს ნებას **საზოგადოების** დანარჩენი აქციონერებისაგან მათ საკუთრებაში არსებული **საზოგადოების** აქციების სამართლიან ფასად გამოსყიდვასთან დაკავშირებით.

(2) აქციათა გამოსყიდვის მიზეზებია/წინაპირობებია: **საზოგადოების** ნორმალური, ეფექტური ფუნქციონირება, მართვის ოპტიმიზაცია და განვითარება, **საზოგადოების** განვითარებისა და ჩვეულებრივი საქმიანობის განხორციელებისთვის საჭირო გადაწყვეტილებების საპროცესო ეკონომიურობის პრინციპის დაცვით მიღება, მმართველობითი ხარჯების მინიმიზაცია და სისტემური რისკების დაზღვევა.

(3) წინამდებარე განცხადების გამოქვეყნებიდან ერთი თვის გასვლის შემდეგ (ნებისმიერ დროს), „მეწარმეთა შესახებ“ საქართველოს კანონის 225-ე მუხლისა და საქართველოს სამოქალაქო საპროცესო კოდექსის (შემდგომში „სსსკ“) XXXIV² თავით დადგენილი ნორმების შესაბამისად, **შემსყიდველი** განცხადებით მიმართავს თბილისის საქალაქო სასამართლოს სამოქალაქო საქმეთა კოლეგიას, აქციათა სავალდებულო მიყიდვის სააღრიცხვო თარიღის განსაზღვრის შესახებ.

(4) **სსსკ**-ის 309¹⁴ მუხლის მე-2 პუნქტის თანახმად, აქციათა გამოსყიდვის სამართლიან ფასსა და გამოსყიდვის სააღრიცხვო თარიღს განსაზღვრავს სასამართლო **სსსკ**-ით დადგენილი წესით, აქციათა სავალდებულო მიყიდვის შესახებ გადაწყვეტილებით.

(5) **საზოგადოების** აქციათა სავალდებულო მიყიდვის შესახებ სასამართლოს მიერ მიღებული გადაწყვეტილების შემდეგ, **შემსყიდველი** ყველა დარჩენილი აქციის გამოსასყიდ თანხას განთავსებს „მეწარმეთა შესახებ“ საქართველოს კანონის 225-ე მუხლის მე-4 პუნქტით გათვალისწინებულ სუბიექტთან, **საზოგადოების** სხვა აქციონერთა სასარგებლოდ გახსნილ ნომინალური მფლობელობის სპეციალურ ანგარიშზე. აღნიშნულის შესახებ **საზოგადოების** აქციონერებს ეცნობებათ კანონით გათვალისწინებული წესით და შესაძლებლობა ექნებათ მიიღონ მათ საკუთრებაში არსებული აქციების შესაბამისი/პროპორციული თანხა, სასამართლოს მიერ განსაზღვრული აქციათა სამართლიანი ფასის შესაბამისად.

(6) წინამდებარე განცხადება დაუყოვნებლივ გამოქვეყნდეს საქართველოს იუსტიციის სამინისტროს საჯარო რეესტრის ეროვნული სააგენტოს სუბიექტის ავტორიზებული მომხმარებლის გვერდზე.

(7) წინამდებარე განცხადება დაუყოვნებლივ გამოქვეყნდეს სსიპ „საქართველოს საკანონმდებლო მაცნეს“ ოფიციალურ ვებგვერდზე www.matsne.gov.ge.

(8) წინამდებარე განცხადების სსიპ „საქართველოს საკანონმდებლო მაცნეს“ ოფიციალურ ვებგვერდზე www.matsne.gov.ge გამოქვეყნებით დაიწყოს კანონმდებლობით დადგენილი სავალდებულო ვადის ათვლა.

(9) დამატებითი ინფორმაციის მისაღებად შეგიძლიათ მიმართოთ **საზოგადოების აქციების ნომინალურ მფლობელს** – სს „გალტ ენდ თაგარტს“ (ს/ნ: 211359206) შემდეგ მისამართზე: ქ. თბილისი, ალექსანდრე კუშკინის ქ. 3, ელფოსტა: info@gt.ge.

პატივისცემით,

სს „ბიჯეო ჯგუფის“ წარმომადგენელი

გიორგი ჯავახიშვილი

25/01/2024